

THESIS PRIMA.

DE Elementis acturi, non accipimus vocem in impropria illa significatione, quæ rudimenta & prima præcepta cujusq; artis elementa dicuntur; neq; etiam pro quovis compositionis principio, quo sensu literæ dictionum, Materia & Forma corporum naturalium Elementa dicuntur; Sed in significatione specialiori, pro materia & principiis non primis, sed secundis, corporum non omnium, sed mistorum.

Th. 2. Dicuntur autem Elementa (ut putant) quasi Alimenta, quia ut ex iis constamus, ita iisdem nutrimur.

Th. 3. Græcis dicuntur στοιχεῖα, ἡ δὲ τὸ στοιχεῖον, quod omnia mista videlicet corpora, certo ordine ex iis prodeant & exoriantur. Hebræis יסודות à radice יסד fundavit, quia quasi fundamenta sunt corporū mistorum, eorundemq; affectionum; Syris נסוכסון à radice נכס ordina- vit, quia certo ordine mundi integritatem constituunt, mi- storumq; constitutionem ingrediuntur: vel ut aliis placet à Græco στοιχεῖον. Arabibus استقامت à radice سقم surrexit, quod ex iis exurgant mista omnia; item ארבע à radice ארבע ob numerum quaternarium quasi dicas quatuor corpora.

Th. 4. Definitionem Elementorum quod attinet, nō una ab omnibus adferri solet, Arist. 1.3. de cælo. t. 32. Ele- menta definit quod sint, in quæ cætera corpora dividuntur, in quibus sunt actu vel potentiâ. Genus quidem omittit, sed facile supplendum: Corpus, nempe, naturale simplex: Si enim tale corpus est Elementū, in quod cætera corpora

Az

*Haec definitio non habet in se
cetera corpora resolvuntur
dijciuntur ad remotionem
coarctum, quæ licet sit corp. g.
simplex tō in iis
alia corpora resolvuntur
Sier.*